

Saksprotokoll i Hordaland fagskulestyre - 06.04.2018

Ymse

Gunbjørg S. Hansen frå fylkessekretariatet deltok i fyrste del av møtet for å informere om rutinar i høve til møte- og reisegodtgjersle i styresamanheng.

Årsmelding for Fagskolen i Hordaland

I samband med sak PS 12/18 ber styret om at årsmeldinga for Fagskolen i Hordaland vert sendt ut til relevante aktørar i Hordaland. Vidare ønskjer styret ei sak med revidert budsjett i mai 2018.

Informasjon- og saksflyt i politiske saker som vedkjem styret

Rosalind Fosse sette på vegner av styret fram forslag om at saker som har vært handsama politisk og som vedkjem fagskulen vert lagt fram for styret som melding. Døme på dette er sak om kursverksemd og sak om fondsavsetning. I tillegg er det ønskeleg at styret kan gje ei uttale i saker som vedkjem styret i samband med politisk handsaming som fagutval.

Kursverksemd

Styret ber om ei sak med ein gjennomgang av kva kursverksemd fagskulen skal ha i framtida til møtet i mai 2018.

Budsjett

Styret ber om sak om budsjettet for 2019.

Regionreforma

Styret ber om informasjon om korleis styret i Sogn og Fjordane er organisert, samt informasjon om Fagskulen Sogn og Fjordane, samt at det etter kvart vert avtalt eit felles møte med styret for fagskulane i det nye vestlandsfylket.

Kompetanseplan og strategi

Styret ber om ei orientering om moglegheiter for lærarar i fagskulen i høve til kompetanseutvikling. Er det eit kompetansebehov som er utdekt, og korleis er situasjonen i høve til rekruttering av nye lærarar.

Styremøte ved studiestader

Styret ønskjer eit styremøte med besøk på Hjeltnes og Voss.

Orienteringar:

Rektor orienterte om søkjartala for neste skuleår og gjennomføring av den fyrste Vestlandskonferansen for lærarar i Bergen.